

河

防

疏

略

河防疏畧卷之十九

義烏朱之錫梅麓甫著

闕里屬員孔貞來元起訂
稽山後學徐 沁埜公輯

請禱泰山疏

題爲天道元旱太久汶水來源益微謹循例請禱

泰山巽沛甘霖以利漕運事據南旺分司王禮北河
分司高恒豫濟寧道方兆及會呈據兗州府運河
同知王有容呈稱開河原非江河之水惟賴涓滴
泉流匯注濟運自去夏至今天道元旱雨雪未施

泉枯河涸雖竭盡人事無奈來源水微又值兵船
重運相繼前進倘天再不雨實可憂慮理合預呈
等因轉報到臣據此案查臣於順治十六年五月
十三日准禮部咨爲運河淺涸糧艘濡滯敬循往
例請禱甘霖以資利涉事內開該工部覆巡倉御
史范平題前事該臣等議得漕運盛行之時臨濟
等處全藉泉水充盈庶漕艘易於輸輓今久元泉
乾相應請

勅總河臣嚴督司道各官多方導蓄凡有淤淺處所力

行挑濟無誤漕務如有因循怠忽卽指名

題叅以憑從重議處至於祈禱

泰嶽事隸禮部請

勅禮部議覆可也順治十六年四月二十六日題本月
二十七日奉

旨是依議行欽此欽遵於五月初一日抄出到部送司
察得順治十四年四月內總督河道楊方輿疏請
祈雨於

泰山恭備香帛祈禱致祭本部題覆

遣官一員往送香帛着該督楊方輿祈禱致祭等因在
案相應具

題案呈到部該臣等議得漕運關係重大應如范平
所請照例臣部恭備香帛差官速往該督朱之錫
俟

欽頒香帛到日卽虔誠詣

泰山祈禱致祭謹題請

旨順治十六年五月初四日題初五日奉

旨依議欽此欽遵移咨在案又查順治十七年五月初

三日准禮部咨爲元暘不雨泉泥微細謹循例請
禱

泰山異沛甘霖以全漕運以甦民生事祠祭清吏司
案呈奉本部送禮科抄出該本部題覆暫署河務
吏部右侍郎楊茂勲題前事緣由於順治十七年
四月初六日題本月十九日奉

旨該部議奏欽此欽遵於四月二十日抄出到部送司
相應議覆案呈到部該臣等議得漕運關係重大
應如楊茂勲所請行太常寺恭備香帛臣部差官

速往其該督楊茂勲應俟

欽願香帛到日卽虔詣

泰山祈禱致祭謹題請

旨順治十七年四月二十五日題本月二十六日奉

旨依議欽此欽遵抄出到部移咨在案今該臣看得運

河自臨清以至董口將及千里地勢高亢不通江

河所賴以濟運者惟藉諸泉之水南北分流故必

挑濬節宣設法利涉尤必得天雨及時然後泉源

暢達河閘充盈獲免膠滯之患此固天時人事交

相須而不可或缺者也去歲東省自夏徂秋膏雨
久屯汶水源流已極微細臣恐潛河淺澁嚴督司
道廳邱等官或築壩加挑或水中撈濬疏通泉穴
樽放湖水竭力支持舊漕幸而告竣詎意閱歷三
冬曾無寸雪入春以來又復風霾不休元暘更甚
泉流逾竭河水日微從來乾旱未有如此之久者
臣晝夜焦思寢食俱廢現在率屬祈禱并屢檄司
道等官備集鄉夫加挑河身多設閘壩搜剔泉源
疏導會河務期通行外目今開壩伊始寧海將軍

臣祖永杰回京兵船一千五百餘隻內多重滯江
船尚未過濟江西舊運尾漕以及江浙新運船糧
絡繹北上若天時再旱不雨則舟行艱難實爲可
慮臣查順治十四十六十七年俱有祈禱

泰山併請

欽頒香帛覆奉

俞旨其霖應禱之案臣謹循例上

請伏乞

皇上容臣躬詣

恭嶽虔禱併祈

欽頒香帛昭告明禋仰賴

皇上至德格

天并澍立沛庶運道民生均邀

鴻造而臣亦可以少逭不職於萬一矣

康熙四年二月十五日題本月
■日奉

旨

重運鱗抵臺莊疏

題爲重運鱗抵臺莊逐閘蓄水前進謹具疏題

報仰祈

睿鑒事竊照運河於康熙四年二月初一日挑完開壩
之後緣東省久旱源流微細挨閘灌塘至初十日
水汛始抵南陽迤南兵船開行北上及至過完南
旺又須借水北注而南來重運糧船因上源水微
閉板下流未免愈艱臣馳赴泃河以及董口一帶
料理僱運於二月二十八日具

題在案所有董口以北臺莊以南原無石閘臣嚴督
司道等官添建草閘蓄水浮運併各處覓船起剝
內江西舊運尾漕船大倍載吃水十有餘捺一時
難行反成阻壓臣隨牌諭江西糧船暫讓新漕先
進俟船到起剝相機北上續又准總漕臣林起龍
咨商亦稱催進董口重船不下二千餘艘若欲挨
幫遙剝誠恐江右漕船體重吃水必淡值此一綫
微流一船淺閣後船俱阻莫若將江右重運令其
暫停徐進俟河流稍盈飛催北上先將新運各幫

剝僭前發庶不致彼此坐誤等因到臣與臣前行
僉同當經咨覆并檄中河司道廳官照行外嗣因
欽頒香帛到濟臣卽前詣

泰山祈雨復又恭接

恩詔隨照例膳黃頒行所屬間據東昌府管河通判楊
興祖揭報兵船已於三月二十七日俱出臨清口
關北上臣卽檄行各該司道營汛等官將濟寧前
後東昌濮州東平等衛所五幫俱係領兌東省糧
船并徐州壽州二衛新漕及江西舊運荊州衛船

糧前此不能前進者一而蓄水償行又屢次嚴檄
南北各司道等官督率額夫再加撈濟凡於人事
可盡者務期設法疏通不遺餘力外臣復自濟往
南迎催重運據進過董口新漕船糧俱已催抵臺
莊閘下啣尾守板蓄水自三月二十七日起至四
月十二日已進過臺莊閘內者淮安大河邳州高
郵泰州鹽城通州興化武平洪塘六安廬州各衛
所共船四百四十三隻但天旱水微在常時積水
止須一二日者今則非三五日不能盈漕放閘並

其餘幫船見在挨次守板蓄水前進此亦事勢所
不得不然者耳今淮安衛糧船五十七隻見抵濟
寧在臨清口北衛水尚盈可以接濟至若濟北臨
南一帶別無支流惟恃諸泉涓涓分注之水歸漕
浮運今雨澤未沛來源日微各閘積水愈爲艱澁
臣一面赴北料理查督外謹將南來重運挨次蓄
水前進情形相應題

報伏乞

睿鑒施行

河防疏畧

卷之十九

八

卷之十九

康熙四年四月二十一日題五月十二日奉

旨該部知道

特叅庸劣廳官疏

題爲特叅庸劣廳官以重河防事切照河南歸屬黃
河南岸則有考城石家樓商丘蔚家窪虞城羅家
口牛頭灣歡堦寺等處在在危險而北岸考城之
王家道口孝城集楊家莊廻龍廟崔家壩等處則
更關係運道河勢頂衝不一而足所恃以時加荒
度悉心籌維督率印河官夫先事預備遇急搶救
至切近而有專責者莫此管河廳官若矣臣於五
月中旬見運河水發糧艘通行卽星馳豫省勘閱

南北兩岸各工乃歸德府通判李達質本庸愚才
復推魯蒞任已近一載詢以河道情形修防事宜
猶自茫然臣前此屢檄飭催不啻諄切今時伏已
屆該管工程尚無頭緒况王家道口河勢上提生
工漸漸內塌埽壩蝨陷不止崔家壩舊堤已經塌
斷雖後有重堤臨河皆近且堤內地形低窪倘有
意外建瓴之勢干係非小本官經理無術呼應不
靈若藉以修防鮮有不誤事者臣見在督飭管河
道僉事劉澍睢陳道僉事蔡舍靈歸德府知府宋

國榮採辦物料調集人夫相機僦修并行道府遴
下 委幹員暫攝料理外所有庸劣廳官相應特疏
題叅伏乞

勅部議處施行

康熙四年六月十二日題本月二十七日奉

旨李達着議處具奏該部知道

題留河差各分司疏

題爲請

旨事康熙四年三月初一日准工部咨開工科抄出該本部題前事內開查各省抽稅事務俱交地方官凡各差事務相應

題明案查通惠河中河此二差係修築河道兼抽稅清江廠一差每年打造漕船亦兼抽稅此三差原係臣部各差漢官一員管理後因添設滿官輪差六部官員又北河衛河夏鎮南旺南河此五差差

臣部漢官各一員專管修理黃河運糧二河道堤岸等處無抽稅除通惠河中河清江廠三差稅務交與地方官不議外此八差造船修理河道堤岸等務應交與地方官又寶源局原差漢官自順治三年添差滿官料理料理事務收受各省解到銅劬監鑄銅錢此係在京不便交與地方官仍照先定例臣部官員一年一次換差又街道一差原差漢官一員康熙三年奉遵

題差滿漢官各二員管理管理事務督治疏濬街道
溝渠不便交與地方官仍照先定例差臣部官員
一年一次換差又琉璃黑窩原有漢官一員太監
一名順治九年臣部具

題專設壯達者而機陳應德康熙元年臣部具

題裁去陳應德臣部滿漢設官數內一年一次換差
料理料理事務監督燒造黃瓦磚料等項亦不便
交與地方官將臣部能幹官或滿洲官或漢軍官
一員并漢官一員一年一次換差又古北口一差

自順治十六年差滿漢官各一員抽分採伐木植
炭斤本色今各省抽稅事務俱交地方官此古北
口抽稅事務亦應交與地方官相應

勅下該督撫歸併何衙門抽稅造船修理河道堤岸永
撥何等官員管理作速定議具

題其現在差官員差滿者將印交與督撫歸併事務
撥出永設官員之間暫委官署管歸併事務永設
官員定妥之日行文該衙門換給印信可也康熙
四年二月初八日題初十日奉

旨依議欽此欽遵抄出到部移咨到臣隨經移咨直隸
山東河南江南各督撫并檄行各該直省司道卽
將通惠河中河北河衛河夏鎮南旺南河各分司
所管修理黃運河道堤岸泉源閘座等務永撥何
等官員管理及清江分司經徵河道錢糧應歸併
何衙門徵收作速定議通詳去後又於康熙四年
四月二十九日准工部咨爲遵

諭陳言直隸關稅裁併之難敬抒末見懇祈

勅部酌議事工科抄出該本部覆直隸巡撫王登聯題

前事等因康熙四年三月十五日題本月二十三
日奉

上旨該部確議具奏欽此欽遵於三月二十四日抄出到
部該臣等案查河道一差先經臣部題爲請

旨事一疏令各該督撫定議永撥何等官員管理作速
具

題在案今該撫所題關差事理除天津衛崇文門等
差已經戶部題覆奉

外其疏稱通惠河一差專管修理河道開座堤岸察

通州薊州道原有河道之責併之亦覺妥便等語
查該撫雖稱通惠河一差併之通州薊州道亦覺
妥便但河道原係總河專責應俟總河題到之日
一併議覆可也康熙四年四月十四日題十六日
奉

旨依議欽此欽遵抄出到部移咨到臣又經備行各該
直省司道并批駁從長酌議去後續據各司道呈
詳到臣該臣看得管河分司差部差議亦交與地
方官應永撥何等官員管理奉

旨行臣定議具

題臣隨移會各直省督撫併檄各該司道確議去後
查臣河道所轄北河南河中河南旺夏鎮通惠衛
河共七分司而中河則兼收河道鈔石清江則不
管河道惟兼收由閘等五項河道錢糧者也其北
河南旺夏鎮三差山東藩司則詳稱河道泉閘地
里遼遠必皆親身料理今欲併歸各道則東省自
裁道缺之後率一道而任兩道之事苦於無官可
撥大名道兼轄運河止清河縣二十餘里則詳稱

以卽河分其責通判總其成天津道則詳稱北河
所轄河間境內河道該道督率於上通判專理於
下通惠一差通薊道則詳稱築堤濟淺修閘俱係
分司爲政該道不過從旁協理若欲歸併兼攝安
能以百務紛糾之身顧此失彼曷易道則詳稱永
東香三縣離繇途遙不能躬親料理見在條議請
歸通薊道三縣河務應歸何官並聽裁奪南河中
河二差江南藩司則詳稱河道工程各歸原官府
佐管理督催稽覈則責之淮揚二道而中河所收

鈔石錢糧歸之淮海道兼攝夏鎮分司事隸兩省
其在江南者亦照中南二司之例至於清江徵收
河道錢糧扣利折夫歸之山清同知出閘梁頭石
價歸之淮安府淮海道則詳稱淮徐河道延袤千
里管河府佐原管修防舍此別無可併之官若以
中河南河夏鎮三司之事萃於該道一身反致顧
此失彼驛揚道則詳稱揚屬河道據該府議稱除
通判之外別無可議議及本道本道既司通省驛
傳又兼揚州道務萬難分身若議歸府正事權稍

重衛河一差河身雖出直隸地方歷來無甚工作
大名道則詳稱仍隸府佐州縣河南藩司初則詳
稱或歸河北守道或歸管河道繼則詳稱或留分
司專董各司道詳議參差訖無定論其云難以歸
併者則以事體重大不敢以一時臆見貽誤河漕
其云歸併河廳而監司兼理則仍舊貫者又以地
方各官無可議撥不得不姑爲此遷就之論以覆
此

欽件也臣惟黃運兩河泉源開座一切事宜皆須一一

身到足到眼到不比刑名錢穀之事可以理斷臆
決文移辦治者也天時不齊非水則旱或綱繆機
先或補苴事後或張皇於風雨倉遽之際或調劑
於左方右圓之間往往數武之地竭千百人之拮
据而不足河勢變幻呼吸安危夫料工程紛紜繁
雜司聽等官平時猶可次第措施當急尚且分身
無術故旣設廳官董率於下然必

特差司員重以

專勅分汛提調而尤恐跋扈難周復該本地監司兼任

其責凡以重河防而保此一綫運道也北河河道
南北千有餘里中經閘座三十餘處中河所轄黃
運兩河而董口尤運道咽喉清黃交接濁流易灌
南河處於淮黃江湖之間東西南北相距窈遠天
妃閘口每多沙淤爲患南旺泉源三百餘處雖在
濟兗郡屬近者或出道隅遠者幽居僻壤夏鎮地
屬兩省鑿石通漕形勢陡絕節宣閘座尤費經營
通惠浮沙易淺峻水易衝塞決之役歷歲時有惟
衛河舊係衛輝府通判專司工程原簡後緣地方

盜洩水利前河臣楊方興特

請設立分司以重其事各分司職掌載在

勅書難以殫述若云歸併府佐則府佐原有管河之責是乃裁革分司非爲撥官管理况徵夫問料地方官民視爲苦局皆不樂聞府佐職微權輕上下掣肘呼應不靈鮮不貽誤至於地方監司錢糧差徭戶口田土盜賊詞訟以至供應兵差緝解逃人職務繁劇一端難竟河屬修防資其協助固不可少若責以終年累月往來奔馳駐守河上揆之事勢

萬萬不能况分司畫理源流之上下相濟夫料之
緩急通融又與各道界壤迥不相同若應合而分
則一間座也上流以爲應閉下流以爲應啓一額
夫也在此則欲求多在彼又復患少不但紛競日
多必致牽掣誤事更當巡道旣裁之後如山東曹
縣黃河東阿陽穀等縣運河改併濟寧道兼管是
一濟道而兼克西道之任矣又如江南揚州道運
河改併通省驛傳道兼管今又兼攝揚關權稅是
一道而兼揚關揚道兩司道之任矣淮徐道黃運

兩河改併淮海道兼管今又兼攝板閘淮倉清江
榷稅是一道而已兼數司道之任矣各關稅務猶
可坐理若增一泉汛河汛道里相距率皆數百里
而遙百務續紛此身羈縻渺渺水濱欲其不跽然
足音不可得也又况自聽而至道自道而至臣衙
署益遠公移往返道路紆迴坐誤事機又有不可
縷悉者故臣屬之設有司廳於沿河各境倘身之
有臂臂之有指也今若專任末寮之佐貳而以事
繁地遠紙上兼攝之監司承接其間黃運兩河各

不下二千餘里臣衙門以一身總理倚辦無人急此而遺彼顧東則失西異時者萬一貽誤運道收拾艱難爲憂方大是安得不爲之長慮却顧哉臣查康熙元年十二月內該吏部題爲河水泛決等事一疏奉有

河務重要應否設專官料理着再議具奏之

旨又工部題爲敬陳河差三年舊例等事奉有

這河差滿漢官俱着三年更換之

旨是河務之難非專官無以責成非久任無以奏效久

在我

皇上睿照之中特以議撤關差同屬分司行臣酌議臣身親閱歷所見既真敢不仰體軍

國重計其詳其慎除中河沙石應照司議歸併淮海道兼攝清江所管河道由閘梁頭石價三項司詳仍照往例歸淮安府相應如議第扣利折夫二項議併山清同知則該廳經管河務不便兼理應歸該府一併經收衛河分司一差工程原簡所有疏濬棚刀泉與禁防盜洩水利事宜責成河北道及

衛輝府通判經營其經由直隸者責成大名道及大名府通判經營似屬妥便其北河南河中河南旺夏鎮通惠六差職務繁鉅原與權稅不同地方無官可以承撥專官相應會

請特留以重河防以保運道者也臣又查部臣疏內有督治修濬街道溝渠不便交與地方官仍照定例差臣部官員等語河漕重務不在街道之下比於此例亦屬允符如恐各部輪差曠廢職務合無亦照往例於工部差遣至於中河通惠滿臣分司原

因權稅兼差今稅務旣已改撥應否留撤均聽部
議仰請

睿裁臣謹會同直省總督臣朱昌祚江南總督臣郎廷
佐總漕臣林起龍直隸撫臣王登聯山東撫臣周
有德河南撫臣張自德鳳陽撫臣張尚賢合詞具
題查此案臣於康熙四年三月初一日准到部咨扣
至八月初一日限滿臣因往南親催重運併勘閱
淮揚河工道路奔馳是以逾限十七日理合一併
題明再照疏內情節繁多貼黃難盡所有臣具陳看

語伏乞

睿賜全覽

勅部議覆施行

康熙四年八月十六日題九月初三日奉

旨該部議奏

工部覆前疏

題爲請

旨事工科抄出該本部覆總督河道朱之錫題前事等

因奉

河防疏畧

卷之十九

五

寒香館

旨該部議奏欽此欽遵抄出到部該臣等案查先經臣部具

題徵抽稅務交與地方官其造船修理河道堤岸等務亦應交與地方官應請

勅下該督撫歸併何衙門承撥何等官員管理作速定議具

題奉

旨行文在案今總河臣朱之錫會同各省督撫具

題前來除清江廠造船事務總漕臣見在具

題應行另議外查疏稱中河鈔石歸併淮海道兼攝
清江廠所管河道由閘梁頭石價并扣利折夫五
項俱歸併淮安府又衛河分司一差工程原簡所
有禁防盜洩水利事宜責成河北道及衛輝府通
判經管其經由直隸者責成大名道及大名府通
判經管似屬妥便相應如議其北河南河中河南
旺夏鎮通惠六河差職司黃運兩河泉源閘座各
司尚且分身無術若云歸併各道又有兼攝權稅
河務繁鉅原與權稅不同萬難交與地方官管理

合無亦照在例於工部差遣亦應如議嗣後仍照
舊例專遣臣部漢官管理至於通惠河稅務應歸
併何衙門請

勅該督確議具

題以憑再議可也奉

旨依議

閘河啓閉有時疏

題爲閘河啓閉有時空重原非淺阻謹據實陳明仰
祈

睿鑒事臣於康熙四年十一月十八日接閱邸抄見總
漕臣林起龍題爲南兌需船甚急等事一疏內開
臨清州板閘外西河嘴南以及顧家墳梁家鄉等
閘處處涸淺閘閘淤澁南北空重漕艘俱爲遲滯
等因奉

旨據奏臨清州等閘處處涸淺閘閘淤塞重運膠滯回

空壓阻漕糧關係重大該管各官不行加緊疏濬設
法催僨殊爲不合着嚴察速議具奏該部知道欽此
除聽候部覆外臣惟運河所憂在淺每歲春月例
應築壩大挑而沙隨水至水落沙留遇有淺滯又
復隨時撈濬臣勘督飭催不遺餘力如果有怠玩
從事者自不惜以白簡嚴繩其後何敢少爲寬假
第聞河情形原與現成江河迥異其間瑣細曲折
一端難竟臣姑言其大畧卽如上自南旺以至臨
清四百餘里地勢建瓴止是一脉水源歷二十一

開層次灌輸而後下接衛河惟當霖雨漲溢方可
通漕行舟每歲之間不過數日耳此外則必須閉
板浮送下閘閉而上閘啓水微之時亦可使深下
閘啓而上閘閉水旺之日亦不免淺故必船米一
律啓閉隨漕而後船行無遲速之異又重運北上
板宜常閉不宜輕啓回空南下板宜勤啓不宜久
閉故必過淮過董如限而後無相值相妨之慮此
雖神禹復出亦不能別有智巧出其範圍也今歲
三春迄於孟夏天旱源微臣督司道等官南北疏

通設法積水終覺艱澁及五月得雨之後於七月十二日止南漕過濟者共四千四百三十八隻然重運少遲回空自是不能甚早臣方旰夕徬徨不意尾船八百餘隻五月末旬淮黃交漲淮郡之天妃聞水高溜湧致碍打放總漕臣林起龍就近駐督臣復親馳勘視六月末旬水勢少平多人牽挽倍費時日嗣於八月二十四日過董於九月初五日過濟臣慮南旺以北別無支流運河之水原以六捺爲限尾船之後又有江漕二百餘隻船大倍

載必致阻壅專委標營副將譚捷元尾催仍諭以設法起剝幸卽於九月二十三日盡數過臨北上較之歷年自濟過臨之期原無遲滯但是時北來空艘陸續抵臨重運在上閉板蓄水下閘之水已洩上閘之水未來回空停待自是不免若欲洩水浮空又致淺阻重運是欲速而反遲矣惟是時序入冬河水凝結回空亦不容緩臣於十月初一日兼程至臨幸重船出口旣久

砲船兵船適已相繼北去因思河內旣無別船回空用

水有限臣復申明

上諭嚴禁阻擾通行各關勤啓少閉接濟下流又值今歲氣候早寒十月十四日以後漸有浮冰臣復節節分布預備船隻器具晝夜敲送查總漕臣題

報過淮船五千一百八十七隻除前已過空船外於十月初五日起至十一月初七日止除僱募及各項事故外又過臨船三千七百八十五隻共過臨舊船三百一十四隻康熙四年分新船五千一百六十六隻二項共船五千四百八十隻十一月十八

口止除不應過濟及各項事故外共過濟五千三百一十五隻自濟以南臣亦專委標員星夜催儹首尾相銜赴淮甚速何乃臨營將弁見謂今歲運事少遲回空必阻預爲卸過之計紛紛以無水呈報總漕臣念切新運旣准提督臣楊捷移咨催呼之情不能不急今觀東昌府河汛兵目之報原有重運抵汛上無來水等語臨清右營文內亦有九江等船木大載重起剝出口回空船隻必俟重艘放盡始得進閘等語夫船式閘禁與過淮過董之

限固有一定漕規然天時人事不齊難以拘泥則
又在河汎各官以人役水隨宜疏通期於克竣歲
運而止至於啓閉不常蓄洩無定一日之間遙有
深淺若不窮源究委而止以暨時情形爲河上罪
戾則安在而非指摘之端乎臣查順治十二年以
前回空多於次歲陸續過濟順治十三年大工塞
合以後回空或四千餘隻或五千餘隻多在十一
月中旬下旬過濟而此後零船不與焉總漕臣疏
內顧家墳梁家鄉西河嘴等處皆在東昌臨清境

內今歲旱澇相仍臣督南北文武各官竭蹶鞭催
心力俱殫幸而仰賴

國家洪福重運過東臨而北今已卸完回空過東臨
而南今盡過濟此可見因重運而積水因倍載而
起剝皆運河不得不然之勢而五月內題

報過淮各船究獲於萬難拮据之中晚遲爲速則河之
未嘗淺阻固有不待繁詞而灼然易見者矣臣身
親閱歷彼時情形實實如此職掌所關不得不具

疏

題明仰祈

睿鑒情節繁多貼黃難盡統乞

睿賜全覽

勅部施行

康熙四年十一月二十一日題十二月初三日奉
旨該部知道

戶部覆前疏

題爲聞河啓閉等事雲南清吏司案呈奉本部送戶
科抄出本部題覆總河朱之錫題前事等因奉

旨該部知道欽此欽遵於本日抄出到部該臣等查得
總河朱之錫疏稱每歲春月例應築壩大批而沙
隨水至水落沙留遇有淺滯又復隨時撈濟今歲
旱澇相仍臣督南北文武各官竭蹶鞭催心力俱
殫幸賴

國家洪福重運漕船於九月二十三日盡數過臨北
上空回船隻今盡過濟星夜催僱赴淮甚速原非
淺阻等因具

題前來查回空船隻既稱盡數過濟相應請

勅總河卽嚴督沿河文武各官將回空船隻速催赴次
再請

勅總漕查明回空漕船過淮月日速行具
題以憑再議可也奉

旨依議

河防疏畧卷之二十

義烏朱之錫梅麓甫著

闕里屬員孔貞來元起訂
稽山後學徐沁埜公輯

恭報重運糧船過臨疏

題爲恭報重運糧船過臨事康熙四年十一月二十
日准戶部咨開雲南清吏司案呈奉本部送戶科
抄出總河朱之錫題前事等因康熙四年十月初
十日題本月二十五日奉

旨戶部知道欽此欽遵抄出到部奉批司查說堂送司

奉此查得總河朱之錫題報康熙四年起運三年分實在漕糧船五千六百七十六隻俱於九月二十三日盡數催過臨清口開北上訖等因前來查過臨船隻既經總河具

題無庸再議其回空船隻應仍咨總河查明幫次

題報可也等因呈堂奉批照行送司奉此相應移咨案呈到部移咨到臣准此該臣查得重運北上例皆前跟後接挨幫而行無容紊越及至抵通卸糧回空南下原無次序其人手器具齊備撐駕捷速

之船則先進閘河而無蓬少人及滲漏破壞船隻
間有零星續進口閘者歲歲皆然查今年南漕重
運總漕臣林起龍六次

題報過淮船至康熙四年五月二十四日止共五千
一百八十七隻內除失風事故併催募不回空外
今查據北河分司高恒豫呈報自康熙四年七月
初一日濟寧衛前幫運官王天錫下旗丁楊自起
船進臨清口閘起至十一月初七日橫海衛運官
吳士龍下旗丁張鳳等船止共新舊糧運回空五

千四百八十隻內除東昌濮州東平濟寧等衛所
例不過濟及各項事故外至十一月十八日止共
過濟船五千三百一十五隻續於十一月二十日
二十九日十二月初八日止又過濟雜幫零船二
十三隻通共過濟船五千三百三十八隻內舊船
三百一十四隻康熙四年新船五千二十四隻俱
經節節鞭催晝夜敲送南下訖止有橫海衛破漏
船一隻今據張秋通判馬光遠報稱據壽張王簿
馬之驢呈報此船原係十一月二十六日入東阿

縣境旗丁外水久已逃盡上蓋門窓俱無艙內漬
水率夫隨厚隨滿又令木匠補艙今行至壽張縣
境雖極力敲拽奈舊灰縫漬水不止現令匠役補
艙但目下南旺大批卑職不得不率夫南上赴工
恐難兩顧等情轉報前來所有臨清以南濟寧以
北除此一船之外並無片帆隻艘矣臣查舊例內
開運糧程限江南限正月以裡過淮五月上倉湖
廣江西浙江限二月過淮六月上倉果能如期則
回空八月九月可以過淮方克副冬兌冬開之限

一向江南船糧自開幫起至四五月陸續過淮方
畢是則八月九月方得上倉回空必至十一十二
月方得過淮南下且江西船糧遲至六七等月過
淮十月十一月方得上倉斯時北河天寒較南倍
早安得不爲凍阻今歲江西船糧續於五月二十
九日六月初五等日七月二十二日共過淮尾漕
船二百三十隻此係不在總漕臣原

題數內甚有遲至八月尚未過淮者重遲且不免於
凍阻矣查總漕臣原有特叅江省遲漕等事一疏

題叅在案而此船過淮之口又值黃淮交漲天妃閘
水峻被阻臣嚴督驅僭於八月二十四日進完董
口卽於九月初五日過濟於二十三日過完臨清
查與董口至臨定限並無遲滯臣慮恐時將小雪
不但回空凍阻卽重運亦難抵通可否將最後之
船截留天津等處兵糧或令關剝迎幫起卸毋船
就彼發回庶或歲內得以美幸趕入臨清口關猶
可敲水催送先於八月十八日備咨倉場部臣商
酌去後續准回咨內開若後到津之船誠恐沍寒

未合或令坐糧廳盡撥關剝到津迎幫起卸母船
就彼發回或令天津鎮道酌留五年分兵餉三萬
餘石之外或擇地寄囤俟春融撥運到通庶可使
母船得速南下等因在案嗣據天津鎮總兵官克
德咨呈內稱據左營中軍守備李廷斌報稱尾漕
自十月初四日辰時起九江衛前幫運官高夢龍
等九幫至初五日巳時盡入安陵汛本官親督北
上按汛接催於十一日起至十四日止陸續盡抵
津關起卸續准坐糧廳於十月十七日辰時卸完

九江袁州贛州三幫本鎮隨差城守營中軍守備
翟仁錫執令箭督押交王慶坨營接催去訖又於
十八日申時准坐糧廳卸完鉛山永新二幫本鎮
又令城守營千總張朝瑞執令箭督押交王慶坨
營接催去訖又准於二十日將新安荊州撫州江
寧四幫盡數卸完本鎮隨又差城守營遊擊尤順
行親押回空交王慶坨營接催去訖惟有江寧衛
運官胡拱壁下幫船四十五隻據拱壁稟稱本幫
軍船四十隻剝船一隻外自備民船四隻其軍船

應遵南下民船四隻例不回空稟明留津變價以
備來歲起運之費等情除此四船之外其趕幫各
船盡數離津南下矣俟出鎮屬營汛另文再報再
查河北尚有上元幫空船十九隻儀真幫空船十
隻及無主空破船三隻時下北河已凍前船尚未
抵津卽彼處防官竭力敲催俸入鎮屬已仲冬矣
則五百里迂長漕汛河水愈堅縱使設法敲催何
能一時出汛萬一凍阻非鎮屬催償不力乃前船
抵津時日遲悞之所致也俟前船催入鎮屬營汛

之日另文再報事關呈報尾漕卸完入汛回營日期事理相應呈報等因到臣臣又行天津鎮道德州道將逐程嚴催敲水拽送之檄殆無虛日續據天津鎮總兵官克德咨呈內稱鎮屬漕汛四營除在津起卸之九江等衛所九幫空船業已督催出汛今查右營磚河堡南凍阻無主破爛空船二隻左營薛家窩汛凍阻空船三隻安陵汛凍阻空船共十四隻皆綠各船出北河而入城守營汛已逾小雪爲時最遲復因無主各船更需兵夫挽拽兼

汎地迂長五百餘里一時不能驟出致於十一月
初二日陡然河水凍合查灣現在嚴令晝夜敲冰
俟兩營敲催出汎之日另文再報等因又據德州
并德州營開報贛州等衛空船二百一十六隻於
十月二十八等日入境漕河已凍挨汎敲冰今到
德州衛第十屯第三屯尚未出境又雙迴溜迤南
凍阻江寧右衛等幫船二十隻係吳橋縣地方臣
查德州衛吳橋一帶凍阻空船內有江西尾漕贛
州袁州九江永新荊州廣信撫州新安各幫并江

寧右衛後幫共船二百隻重運原在六七月過淮較之二月過淮之限已逾四五月矣江西糧道業經總漕臣以違漕特叅雖丞丞北上抵津寄囑而發回之時河水卽以凍結計時論限勢所必然臣現在嚴飭該汛文武各官嚴催抵口大壩一開卽行星夜南下至於總漕臣原

題南漕過淮船共五千一百八十七隻今連臨南徐屬并本年續過江省舊運回空共進臨清口閘船五千四百八十隻俱已接續赴次而惟是德州吳

橋境內有凍阻上元後等衛零星雜船三十六隻
并天津鎮前報左右營汛凍阻船內有上元等衛
零船十隻俱係五月過淮數內之船抵通卸完不
知因何不隨大幫一同南下零星落後以致凍阻
難前其中情節未據逐細報明臣已備行津德兩
汛各官查落後緣由另

題外茲准部文回空船隻咨臣查明幫次題報謹將
大幫過臨過濟南下船數日期及津德兩處各官
呈報凍阻船數敲冰前進情由理合一併題

報伏乞

睿鑒

勅部施行

康熙四年十二月
日題
月
日奉

旨

回奏南兌需船疏

題爲南兌需船甚急北河淺阻堪虞仰懇

天語嚴勅濬僨以速新運以裕

國儲事康熙四年十二月初四日准戶部咨雲南清
吏司案呈奉本部送戶科抄出本部覆總漕林起
龍題前事等因康熙四年十月二十日題十一月
十一日奉

旨欽奏臨清州等關處處涸淺開闢淤塞重運膠滯回
空壘阻漕糧關係重大該管各官不行加緊疏濬設

河防疏畧

卷之二十

九

寒香館

法催償殊爲不合着嚴察速議具奏該部知道欽此
欽遵於本日抄出到部該臣等查得總漕林起龍
疏稱各屬漕米已經徵貯水次日盼下船受兌查
天津道揭報回空船隻已有三千二百四十九隻
迄今過淮空船僅有九百餘隻今准山東提督楊
捷移報臨清等關處處涸淺閘閘淤塞漕船俱爲
遲阻伏乞

皇上勅下河督併沿河督撫諸臣合力疏濬星夜催償
等因奉

旨擬奏臨清州等閘處處涸淺閘閘淤塞重運膠滯回
空壓阻漕糧關係重大該管各官不行加緊疏濬設
法催償殊爲不合着嚴察速議具奏該部知道除河
淺不行疏濬以致糧船淤塞應聽工部查議外查
漕船關係

國家重務自應星夜催償今稱河閘涸淺淤塞漕船
遲阻總河朱之錫專管河道因何不行疏濬以致
漕船阻滯殊爲不合相應請

勅總河速行明白回奏并請

勅沿河督撫嚴檄汛地大小各官合力速將回空船隻
星夜催饋南下毋誤新運可也等因康熙四年十
一月十八日題本月二十日奉

旨依議欽此欽遵抄出到部送司奉此相應移咨案呈
到部移咨到臣臣猥以庸菲謬肩兩河重任黃河
巨浸每患其衝運河涓流又患其淺且天時水旱
往來不齊臣實蚤負滋懼亦惟是殫竭心力憂勞
拮据罔敢刻懈以庶幾補塞萬一乃今年運事艱
難倍於往昔總漕臣林起龍念切新漕誠恐河水

淺涸回空不前疏請

勅臣併工挑濬疏導蒙我

皇上不卽譴責

特允部議行臣回

奏臣感激

天慈敢不據實披陳以聽

睿察乎竊惟開河情形上開啓而下開閉則淺者可深
下開啓而上開閉則深者頓淺故船有定式米有
定數啓閉有隨漕之規蓋以來源本微尾閘易洩

原非現成江河可比今歲春夏天旱源微臣督司道等官設法疏通終覺艱澁及五月得雨之後於七月十二日止南漕過濟者共四千四百三十八隻然重運少遲回空自是不能甚早臣方憂惕靡寧不意五月末旬淮黃交漲尾船八百餘隻天妃閘水高溜湧致碍打放尾船之後又有咨報六七月過淮江漕二百餘隻迨至六月末旬水勢少平始獲陸續多方牽挽嗣於八月二十四日過董於九月初五日過濟南旺以北別無支流而江漕又

皆船大倍載較之如式淺船積水須多費時必倍
臣恐其阻壓專委標營副將譚捷元尾催仍諭以
設法起剝幸卽於九月二十三日盡數過臨查與
歷年自濟過臨之期原無遲滯但是時北來空艘
陸續抵臨重運在上閉閘蓄水下閘之水已洩上
閘之水未來空船暫待自是不免惟是時序入冬
回空亦不審緩臣於十月初一日兼程至臨幸重
船先已抵口

袍船兵船亦皆相繼北上因念河內專行回空用水有

限通行南旺以北各閘止下閘板四五塊勤啓少
閉接濟下流又值今歲結冰更早臣復飭催預備
船隻器具節節敲送除江西尾漕過淮原遲併津
德落後零船另疏

題明外查總漕臣

題報過淮五千一百八十七隻於十一月初七日止
除催募及各項事故外過臨舊船併康熙四年分
新船共五千四百八十隻於十一月十八日止除
東兗水次及各項事故外共過濟船五千三百一

十五隻至十二月初八日止續過濟雜幫零船二十三隻共過濟舊船三百一十四隻康熙四年新船五千二十四隻通共新舊船五千三百三十八隻於十二月十二日止除徐邳水次不應出口及各項事故外據宿遷縣報到已出董口舊船三百零六隻康熙四年分新船四千八百三十五隻二項共船五千一百四十一隻又據臣差官仙養志稟稱志蒙差往董口催饋回空晝夜無停至十二月十二日止共出口新運空船四千八百三十五

隻口內並無空船隨於十三日自董口一路迎回至黃林莊韓莊止只有江寧左等衛空船五隻逐汛交割南下其韓莊至濟並無南船方敢回濟銷差等情臣查出口船數與過濟不符據邳宿同知解機回稱新運回空至十二月十二日止共出口船四千八百三十五隻外有火燬撞沉船五隻又兌邳州糧米在泲口船二隻其餘各衛買補民船俱隨大幫出口例來不報再查舊運回空至十月初七日止共出口船三百六隻外有南昌衛民船

八隻俱隨大幫出口例不入回空之數總漕臣疏稱天津道揭報回空過津三千二百四十九隻過淮僅有九百餘隻并所指顧家墳梁家卿西河嘴等處皆在東昌臨清境內今臨清以南濟寧以北四百餘里之內止有南漕船一隻原因漏損停泊壽張縣境其過臨大幫應赴南兌各船五千三百三十八隻盡已過濟南下並無阻滯則東臨河道原無淤淺固已顯然易見矣臣前者接閱邸抄緣職掌所關不敢緘默已具有開河啓閉有時等事

一疏備陳原委茲奉

旨回奏謹將前疏內確實情形併過臨過濟過董回空
船數日期逐一開列具

奏仰祈

睿鑒伏乞

勅部議覆施行

康熙四年十二月



日題

旨

題補揚河通判疏

題爲循例

請補管河廳官以禱修防事據濟寧道方兆及呈稱蒙
臣票爲行查事仰道卽將濟寧州州同潘得榮出
身履歷歷俸年月日期任內薦錄幾次見在有無
註誤各案檢閱節年冊卷備細查明具文報院以
憑查奪毋得遲悞取咎未便等因蒙此隨行兗州
府查取去後今據該府申據濟寧州申稱查得州
同潘得榮年二十八歲係鑲白旗李顯桂固山陳

謨佐領下於順治八年十一月內本固山咨送國子監肄業順治十年十二月內禮部考中咨送吏部考選咨送戶部歷事卽委管太平倉事務於順治十四年十一月內咨送吏部考定州同於順治十八年六月內選授今職本年八月初八日到任至康熙四年九月初八日連閏共計四年兩箇月任先蒙總河朱部院委看運河廳印務

題薦一次又於康熙元年四月內本府轉詳委署嘉祥縣印務署篆未久所徵錢糧無幾隨經交代明

白又於康熙三年十二月內本府轉詳委署滋陽縣印務任內經徵錢糧俱經造冊申報外其餘盡行蠲免並無未完等項錢糧亦無東人註誤及盜賊緝案任內薦一次加二級紀錄八次獎一次俱經在案再查自順治十八年至康熙三年止任內經徵本州漕糧及鹽課鹽引盡行通完案查署事鄆城爲密題請

旨事緝拏于七案內罰俸三箇月並無違碍允稱盡職今蒙查取擬合具文申報據此又據嘉祥縣申稱

蒙此查得潘州同原署嘉祥縣印務任內並無未完錢糧亦無未結緝盜之案今蒙行查擬合具文回報據此又據鄆城縣申稱查得潘州同蒙委署鄆城縣印務自康熙元年九月二十六日到任起至康熙三年二月十四日離任止凡任內錢糧除康熙元年分所遺新丁銀七十兩八錢一分零臨米脚價銀三十兩六錢八分零係前任周知縣任內未經徵完並二年分新丁銀七十兩八錢一分零自奉布政司冊報之後俱經卑職代徵起解外

其餘俱已完足亦無奉有緝盜未結之案今蒙前
因擬合回報各等情到府據此該本府知府彭繩
祖查得濟寧州州同潘得榮屢經委署任內並無
未完錢糧亦無未結盜案又據各州縣查明前來
擬合據實詳報等因到道據此該本道復查得濟
寧州州同潘得榮屢經委署任內並無未完錢糧
亦無未結盜案茲據該府查明前來相應呈報等
因到臣該臣看得管河廳官選擇

題補歷經奉

古遵行在案揚屬河道乃四瀆歸墟之地兼之本境湖
面數百里一派汪洋宣洩隄防事任綦重原任通
判周道東以病休致其任內有無未完錢糧盜案
臣已行司道查明業經另疏具

題查該屬高寶江三州縣一帶湖堤垂二百里去歲
因颶風湖嘯衝殘甚多非得勤敏練達之人亟爲
乘時修築轉盼桃汎水勢再發收拾愈難誠有不
可時刻緩者今署事同知秦尚忠復以別案革職
而揚屬附近各官皆有錢糧緝捕之責仍多罣誤

難以議補若專候部選又恐到任無期不免坐誤
臣查得濟寧州州同濟得榮諳曉河務屢經臣委
督大批決口素著成效堪以委辦且本官俸序已
減節經薦紀加級銜缺既屬相當任內復無呈碍
以之

題補前缺旬日之間即可受事庶修防有藉而急工
無誤所裨良非淺也臣謹循例具

題伏乞

勅部議覆施行

康熙五年正月
[]日二月
[]日奉

首吏部議奏

查覆楚省漕船疏

題爲楚省漕船盡在運河守淺新協江運無船轉應
仰請

題明以免遲悞之咎事康熙四年八月二十八日准
戶部咨雲南清吏司案呈奉本部送戶科抄出本
部題覆湖廣巡撫劉兆麒題前事等因康熙四年
六月二十九日題七月二十九日奉

旨該部速議具奏欽此欽遵於本日抄出到部該臣等
查得楚撫劉兆麒疏稱楚省協濟江西漕船自康

河防紀略 卷之二 一
一
身不
熙二年三年并康熙四年正月盡數發協至今並
無片帆回空恐悞新運請

勅部亟行總河諸官星速催償等因具

題前來查楚省康熙二三年回空船隻並無片帆到
彼皆因沿河大小各官催償不力之故漕糧關係
重大豈容遲悞相應請

勅總河總漕一面嚴檄沿河各官星速催償外其康熙
二年三年船隻於何處延挨應將催償不力汛地
各官指名

題叅以憑議處併請

勅江西巡撫俟楚船回日將新運糧米通融撥兌速開
依限抵通再請

勅楚撫將在楚滿料船四十八隻何以未經配造船隻
先將錢糧用過每年報部開銷應速行令造冊送
部以憑查覈將此船四十八隻責令該道依限發
協江西速濟新運如違限期卽指名叅處可也等
因康熙四年八月初八日題本月初十日奉

旨依議欽此欽遵抄出到部送司奉此案呈到部移咨

到臣准此隨行沿河鎮道廳將各官查催去後續
據濟寧道方兆及等呈報到臣該臣看得江西省
至淮共計水程二千零四十里自淮至張灣共計
水程二千三百九十里逆溜絳挽閘河守板積水
更與淮南不同故江西重運舊例定於二月過淮
然後歲內可以回次受兌近來湖廣協運江西糧
船多在七八九月過淮甚有冬月方過淮者無論
北河天氣倍寒結冰更早回空必致守凍卽重運
北上已不免於凍阻矣湖廣撫臣劉兆麒疏稱楚

省協濟江西漕船自康熙二年三年并康熙四年
正月盡數發協並無片帆回空恐悞新運部覆請
勅臣與總漕臣嚴檄沿河各官星速催償其康熙二年
三年船隻於何處延挨將催償不力各官指名叅
處等因奉

旨咨行到臣遵卽嚴督查催去後續據各該鎮道等官
皆稱凡遇回空過汛隨卽催償南下並無在境延
捱孰肯容其停泊自干

功令臣復檢查節次文揭除康熙二年楚省糧船黃州

等衛原於四五月內并七月初十日過淮者卽於二年內回空南下訖又岳州衛於九月過淮者回空亦於三年六月內南下已久其康熙三年楚省糧船有武昌左衛淺船五十三隻係五月內過淮者抵通回空卽於三年十一月內催出董口南下外至於荊州武昌黃州德安等五衛所回空船一百一十九隻并江西吉安等衛所船二百八隻重運原係七八九十等月陸續過淮更有冬月過淮康熙四年正二月方進董口者其三年進口之

船來非其時正值回空盛行又湊遇各路兵船同時北上聞河之內原難兩舟並進在於邳宿境內暫讓兵船回空過畢時已冰凍及至四年二月開壩之後因上源閉板借水北注臣於三月內親馳邳境目擊江廣船大倍載恐致阻壓全漕一面牌行如式各船乘便開行一面覓船剝僨江漕嚴催前進臣曾於重運鱗抵臺莊等事疏內

題明在案嗣於五月之後俱各陸續過濟抵灣回空各船已於九月內相次南下各有入境出境日期

可查總因重運來遲回空自難如期飛協新運實
非沿河各官催僨不力之故既經各鎮道回報前
來臣復查明無異相應具

題再照此案扣至正月二十七日限滿臣因北赴臨
清南赴董口查督大挑工程至二月初一日方得
回濟繕疏是以逾限二十四日理合一併

題明伏乞

睿鑒

勅部議覆施行

康熙五年二月二十日題
月
日奉

青



忠疾日深疏

已繕尚未拜發

奏爲微臣患疾日深重任益虞蚤負籲懇

天恩特准解任調理以無誤河漕事竊臣一介庸菲猥
荷

世祖皇帝拔擢俾總兩河復蒙我

皇上格外殊遇寵加宮秩濫竽重寄十載於茲矣積咎
彌多受

恩愈重夙夜省循雖捐糜頂踵尚未足仰酬萬分之一
何意蒲柳之姿天稟本弱兼之才力謏薄綆短汲

溪每當天時水旱南北奔馳憂悸內積久感怔忡
病症自去春交心火上炎跳動不止飲食減少恍
惚多驚終夜之間臥起三四不能成寐及後閱歷
夏秋前病日劇偶於八月二十五日山虞城督工
回署檢閱各屬公文痰火上衝忽然眩暈傳醫馬
伯龍投以薑湯硃砂等劑移時方定此皆本處官
役所聞見而共知者時方次工緊急空重盛行龜
勉辦理不敢輒以私情瀆陳自干規避之罪迨至
今歲正月初四日北赴臨清勘閱大挑回濟之後

又於二十一日南閱夏鎮八關邳宿一帶加以感冒痰嗽過服發散之劑迄今月餘寒疾雖退而頭暈非常心胸躁動批覽少久則耳鳴目緊眩脊難支兩膝以下寒冷作酸至不可忍歷傳醫生馬伯龍鄭國柱等診視調治皆云血氣內損非得歲月靜息未易痊復臣思人臣以身許

國雖鞠躬盡瘁義所應爾狗馬疾病何足上負

宸聰但河道事務關係

國計民生何等重大河工形勢變遷百出錢糧夫料

頭緒紛紜何等繁劇在臣駑鈍之質平時猶懼債
轅當茲精神耗竭之餘若因循緘默日復一日則
所係軀命者雖微有關軍

國者甚鉅萬一愆越貽誤臣罪滋大此臣所以輾轉
思維而不得不披瀝於

君父之前者也查山東總督臣祖澤溥河南總督臣劉
清泰俱以患病疏

請調治蒙

恩俞允臣謹援例冒昧籲陳伏乞

皇上軫念河漕重寄臣抱病之身難以勝任

特准解任調治

勅部速推新督接管受事則臣未隕之年皆

皇上再造之賜也臣不勝懇切願

恩之至